



TarddLe

Ein Newyddion



Hydref 2021

Yn cydweithio i amddiffyn dŵr yfed heddiw ac ar gyfer cenedlaethau'r dyfodol

Ymweld â Sioe Aeaf Llanelwedd



Roedd hi'n hyfryd cael bod nôl yn Ffair Aeaf Llanelwedd yn cwrdd â chydweithwyr a rhanddeiliaid.

Cafodd Nigel Elgar gyfle i ddal i fyny â Richard Roderick o Grŵp Dŵr y Bannau, a John Owen, rheolwr prosiect gyda Chanolfan Ymchwil Amaethyddol Coleg Sir Gâr.

Cafodd Dave Ashford gyfarfod â Nicola Mills o Gyfoeth Naturiol Cymru a Gwion Aeron o EID Cymru.

Roedd Rob Thomas ac Alwyn Roberts, ein Cydlynwyr Partneriaeth wrth law i hybu neges TarddLe a'r gweithgareddau sydd ar y gweill.



Dŵr Cymru
Welsh Water



WaterSource@dwrwymru.com
www.dwrwymru.com/watersource
@WaterSourceDCWW



BBMC@dwrwymru.com
www.dwrwymru.com/BBMC
@BreconBeaconsMC



TarddLe

Ein Newyddion



Hydref 2021

Yn cydweithio i amddiffyn dŵr yfed heddiw ac ar gyfer cenedlaethau'r dyfodol



"Rydw i wir yn credu y bydd y berthynas hon yn helpu i sicrhau cyflenwad cynaliadwy o ddŵr yn ogystal â diogelwch bwyd yng Nghymru am genedlaethau i ddod."

Megan Powell
CFfl Cymru

TarddLe a lleoliad gwaith CFfl

Yn rhan o'n hathroniaeth i weithio mewn partneriaeth ag eraill, fe gynigion ni'r cyfle i ddau ymgeisydd llwyddiannus dreulio wythnos yn gweithio ochr yn ochr â'r Tîm Dalgylchoedd dŵr yfed yn ddiweddar.

Megan Powell a Laura Evans oedd y ffermwyr ifanc cyntaf i gael eu dewis ar gyfer y profiad. Bu Megan Powell yn gweithio gydag Alwyn Roberts, ein Cydlynnydd Partneriaeth yn y gogledd, gan edrych ar y claf'r yng Nghymru yn rhan o'i phrosiect ar iechyd anifeiliaid. Yn benodol, bu'n edrych ar y ffordd orau o drin yr anhwylder heb effeithio ar ansawdd dŵr.

Cafodd Laura ei pharu â'r Dadansoddwr Risgiau Gofodol, Jamie Phillips, gan edrych ar fapio risgiau. Astudiaeth o'r ffordd y mae dŵr yn llifo ar draws darn penodol o dir a sut y gall ffermwyr weithio gyda'r dirwedd honno i leihau'r risgiau i ddŵr yw'r prosiectyma.

Gallwch glywed rhagor am eu profiadau yn ein podlediad TarddLe. Cliciwch [yma](#) i wrando.

Ffermwyr yn arwain y ffordd gyda threial dal a storio carbon

Mae aelodau Grŵp Dŵr y Bannau wedi bod yn parhau i dreialu technegau arloesol a newydd ar eu ffermydd. Tro Keri Davies yw hi'r tro yma.

Aeth ar Facebook yn ddiweddar i adrodd am gynnydd proses i fesur faint o garbon mae ei fferm yn ei storio yn y priddoedd. Mae'r treial, a gyflawnwyd yn y cyfnod toc cyn COP 26, oll yn rhan o brosiect EIP y grŵp sy'n edrych ar sut i droi'r ffermydd yn garbon niwtral.

Byddan nhw'n dadansoddi deunydd organig y pridd a'r potensial ar gyfer dal a storio carbon ar draws y gwahanol ffermydd. Y syniad y tu ôl i'r prosiect yw canfod yw sut y gall amaethyddiaeth geisio gwyrdroi'r newid yn yr hinsawdd.

Bydd GPS yn caniatáu i'r ffermwr gymryd mesuriadau i lawr i'r milimetr, felly ymhen 5 mlynedd, gall Keri ddychwelyd i'r un lle a gweld faint o garbon sydd wedi cael ei gasglu.

Croesewir y treial am ei fod yn defnyddio technoleg i wella effeithlonrwydd ffermydd wrth amddiffyn dŵr, gwella bioamrywiaeth ac arwain trwy esiampl.





TarddLe

Ein Newyddion



Hydref 2021

Yn cydweithio i amddiffyn dŵr yfed heddiw ac ar gyfer cenedlaethau'r dyfodol



Diwrnod Partneriaid Megaddalgylch Bannau Brycheiniog, Awst 2021

Daeth tua 25 o bartneriaid sy'n gysylltiedig â Megaddalgylch Bannau Brycheiniog, sy'n gynnwys Cyfoeth Naturiol Cymru, Awdurdod Parc Cenedlaethol Bannau Brycheiniog, Hybu Cig Cymru, Grŵp Dŵr y Bannau a Phrosiect Cymuned a Thirwedd Taf Fechan at ei gilydd am gyfarfod wyneb yn wyneb am y tro cyntaf ers 18 mis ddiwedd yr haf.

Cynhaliwyd y cyfarfod ar fferm y teulu Roderick sy'n edrych dros Afon Wysg a Llyn Syfaddan.

Yn ogystal â bod yn gyfle i gwrdd wyneb yn wyneb o'r diwedd, roedd yr achlysur yn gyfle hefyd i'n hatgoffa am y materion pob dydd sy'n wynebu pobl sy'n byw ac yn gweithio yn y Bannau, a phwysigrwyd amaethyddiaeth i'r ardal.



Taith Astudio Grŵp Dŵr y Bannau 2021

Bydd cydweithrediad ffermwyr a defnyddio eu gwybodaeth gyfunol yn hanfodol i reoli tir ar raddfa dirwedd at y dyfodol a'i lwyddiant tymor hir.

Dyma un o'r gwersi a ddysgodd Grŵp Dŵr y Bannau o'u taith astudio ddiweddar gyda chymorth Cyswllt Ffermio.

Bu'r grŵp yn ymweld â [Sefydliad Amaeth Morley](#) a [Grŵp Fferm Clwstwr Wensum](#) yn Norfolk, ynghyd â [Phrosiect Allerton](#) yn Sir Gaerlŷr.

"Roedd hi'n ddiddorol dros ben ac yn dangos pa mor bwysig a gwerthfawr yw gweithio gyda'r gymuned ffermio," meddai Nigel Elgar, Rheolwr Prosiect Dŵr Cymru gyda Megaddalgylch Bannau Brycheiniog.

"Mae eu gwybodaeth a'u dealltwriaeth am eu tirweddau, planhigion, anifeiliaid, pridd ac ati yn amhrisiadwy wrth helpu i gynllunio a chyflawni prosiectau rheoli tir sy'n amddiffyn cyflenwadau dŵr ac ansawdd dŵr.



"Mae'r holl bobl y cawsom gwrdd â nhw ar y daith hon wedi ymrwymo'n llwyr i weithio mewn partneriaeth ag eraill i reoli'r tir maen nhw'n ei weithio yn y ffordd orau bosibl, ac roedd hi'n galonogol gweld hynny.

"Mae Grŵp Dŵr y Bannau wedi ymrwymo hefyd i arbrofi â phrosiectau a fydd yn gwella effeithlonrwydd a gwynwch eu ffermydd, ac a fydd yn darparu manteision clir o ran ansawdd y dŵr. Ac rwy'n credu eu bod nhw wedi cael digonedd o ysbrydoliaeth ar y daith hon."



TarddLe

Ein Newyddion



Hydref 2021

Yn cydweithio i amddiffyn dŵr yfed heddiw ac ar gyfer cenedlaethau'r dyfodol



Cyfnod ariannu Prosiect Tirwedd a Chymuned Taf Fechan yn dod i ben – ond y bartneriaeth yn parhau

Daeth y cyllid cychwynnol ar gyfer Prosiect Tirwedd a Chymuned Taf Fechan i ben yn gynharach yn yr hydref. Ond mae'r rhai sy'n gysylltiedig â'r bartneriaeth wedi cytuno i barhau â'u gwaith at y dyfodol.

Partneriaeth rhwng Dŵr Cymru, Grŵp Cymunedol Pontsticill a Chadw Cymru'n Daclus yw'r Prosiect, a daeth y cyllid cychwynnol gan Weithredu Gwledig Cwm Taf trwy gronfa Datblygu Gwledig yr Undeb Ewropeaidd a Llywodraeth Cymru.

Trwy ganolbwyntio ar yr amgylchedd yng nghyffiniau Pontsticill, nod y prosiect yw amddiffyn cyflenwadau dŵr a chyfoethogi mwynhad o'r ardal. Roedd ei brif feysydd gwaith yn canolbwyntio ar:

- Cynorthwyo'r Gymuned leol
- Archwilio Systemau Dŵr, Gwastraff ac Olew preifat
- Pennu'r cwmpas ar gyfer Cynllun Cenhadon Dalgylch
- Archwilio Cyfleoedd i Reoli Coetiroedd
- Gweithio gyda'r gymuned i daclo ymddygiad gwrthgymdeithasol



TarddLe ac Agrisgôp

Rhaglen gweithredu a dysgu sy'n cael ei chynnal gan Gyswllt Ffermio yw Agrisgôp. Mae'n tynnu ynghyd unigolion o'r un anian o fusnesau ffermio a choedwigaeth er mwyn datrys problemau cyffredin ar lefel leol. Rydyn ni wedi gweithio gyda grwpiau mewn dalgylchoedd blaenoriaeth dethol i godi ymwybyddiaeth am y sialensiau sy'n ymwneud ag ansawdd dŵr ac i'n helpu ni i ddatblygu atebion sy'n seiliedig ar ddalgylchoedd.

ran ansawdd dŵr y mae Dŵr Cymru'n eu hwynebu, a chawsant weld sampl dŵr ar waith. Cafodd y grŵp ymweliad buddiol, gan gynnig yr adborth ei fod wedi helpu dod â'r materion yn fyw a'u sbarduno i feddlw am atebion oedd yn fuddiol i bawb.



Plas Uchaf & Dolwen:

Cafodd y grŵp yma ei sefydlu ddwy flynedd yn ôl i godi ymwybyddiaeth am faterion o gylch maetholion a phlaladdwyr sy'n effeithio ar y cronfeydd cyfagos, ond mae'r pandemig wedi tarfu ar y cyfarfodydd a pheri iddynt gael eu cynnal yn rhithiol.



Llys Y Fran & Rosebush:

Cynhaliwyd dau gyfarfod o'r grŵp yma dros yr hydref. Yn y cyntaf, anogodd Lilwen Joynson (Hwylusydd Agrisgôp) yr aelodau i feddlw am beth sy'n gwneud gwaith partneriaeth llwyddiannus, a sut y byddai deilliant cadarnhaol yn edrych.

Yn yr ail un, aeth y grŵp i ymweld â Chronfa Ddŵr Llys y Frân. Clywodd yr aelodau am y sialensiau o

Calonogol oedd gweld bod y ffermwyr oedd yn bresennol gyda Geraint Hughes (Hwylusydd Agrisgôp) a Guto Owen (Swyddog Datblygu Cyswllt Ffermio) yn awyddus i archwilio cyfleoedd i gydweithio â ni yn y dyfodol. Bydd hyn yn rhoi gwell dealltwriaeth iddynt o'r risgiau y gall gweithgareddau amaethyddol eu hachosi i ansawdd dŵr yfed yn y dalgylch, a chyfle i drafod y datblygiad.



Dŵr Cymru
Welsh Water



WaterSource@dwrcymru.com
www.dwrcymru.com/watersource
@WaterSourceDCWW



BBMC@dwrcymru.com
www.dwrcymru.com/BBMC
@BreconBeaconsMC